

Poucwè k' lès médias fujat in sfwèt dèram âtoû d' l' an 2.000 ?

Si c' est pou fiester lu strimadje du nouvê liyârd k' on loume l' euro, dju vu bin mé pou rin d' ôte èt surtout nin pou saluwer in nouvê sièke. C' e-st èn an trop matin.

Lu XXIème sièke cumince lu prèmi d' djanvî 2001.

Lu sièke ruprèzinte ène termine du çant-z ans, lu milnére, ène termine du 1000 ans. Lu prèmi sièke è ataké lu prèmi d' djanvî du l' an 1 èt è fini lu trante-èt-yink du dècimbe du l' an 100. Lu XXème sièke è ataké lu prumî d' djanvî 1901 èt finirè lu trante-èt-yink du dècimbe 2000, èt nin dvant.

Lu prèmi milnére è cmincî lu prumî d' djanvî du l' an yink pou fini lu trante-èt-yink du dècimbe du l' an 1000. Lu deûjime milnére è ataké lu prumî d' djanvî mile yink èt finirè lu trante-èt-yink du dècimbe 2000. Lu trwâjime milnére cuminsrè lu d' prumî d' djanvî 2001.

C' est du sgur, nonnè ?!

Louwis Bêdjot, avu l' accint d' Grêde.